



Inatsisartunut ilaasortaq Karl Lyberth, Siumut
MAANI

**Sinerissamut qanittumi saarulleqassusermik misissuineq pillugu § 37-ikkut
apeqqut nr. 2011-46-mut akissut**

28. feb. 2011
Suliapnr. 2011-046057
All. Upp. Nr. 573254

Inatsisartut suleriaasianni § 37 naapertorlugu sinerissamut qanittumi saarulleqassusermik misissuineranut takkukkumaarsinnaasumut tunngasunik apeqqutinik saqqummiussisimavutit. Apeqqutit uannut akisassanngorlugit innersuussutigineqarsimapput.

Postboks 269
3900 Nuuk
Oqa. (+299) 34 50 00
Allak (+299) 32 47 04
E-mail: apnn@nanoq.gl
www.nanoq.gl

Apeqqut:

Sinerissami saarullit amerlassusaannik misissuinissamik ingerlatsinissaq pillugu Pinngortitaleriffik pilersaaruteqarpa, imaluunniit misissuineramik ingerlatsinnissaannut piunasaqaateqartoqarniarpa?

Akissut:

Pinngortitaleriffimmut saaffiginnereernerup kingorna paasititsissutigisinnaavara, maannakkorpiaq Sisimiut, Nuup Qaqortullu eqqaani sinerissamut qanittup sineriaani saarulleeqqanik misissuineramik ingerlatsisoqarmat. Siunertaasoq tassa sinerissamut qanittumi aalisarnermut ukioqatigiikkuutaanik nutaanik amerliartortoqarnersoq misissussallugu. Inernerugallartut takutippaat, ingammik ukioqatigiikkuutaanut ataatsinut tunngatillugu, tassaasut ukioqatigiikkuutaat 2005-ernisat, Nuup, Sisimiullu eqqaani sinerissap eqqaani saqquminerpaajummata. Taamaattorli ukioqatigiikkuutaat taakku Qaqortumi nassaassaangillat. Pinngortitaleriffiup misissuinerisa takutippaat, ukioqatigiikkuutaat 2005-imeersut avataata imartaaneersut tammavissimasut taamaasillutillu kangerlunnet pulaararsimallutik.

Aammattaaq Pinngortitaleriffiup paasititsissutigisinnaavaa, ukioqatigiikkuutaat 2005-imeersut, avataata imartaani pinngorsimasuusut ilimagineqartoq kangerlunniit avammut ingerlaqqilernissaat. Taamaattorli tamatunnga naleqqiullugu periarfissaqanngilaq piffissap qanoq sivisutiginissa pillugu oqaaseqassalluni.

Malunnaateqanngilaq saarullit ukioqatigiikkuutaarpassuit takutilernersut. Sinerissamut qanittumi saarullinniarnaq taamaasilluni assut tunngavikitsumik nalilerneqarpoq, tassa ukioq ataaseq kisiat tunngavilersuutigineqarmat. Ataavartumik aalisarnissaq ukioqatigiikkuutaanik arlalinnik nukittuunik tunngaveqartariaqassaaq, ukioqatigiikkuutaat pisoqqat aalisarnermut tamarpata, taakku taartaasinnaapput.

Paasititsissutigisinnaavara, 2011-mi Kalaallit Nunaanni saarulleqatigiit pillugit misissuinissat makkua tullerit Pinngortitaleriffiup pilersaarutigigai:

1: Sisimiuni Nuummilu saarulleeqqanik misissuineq.

2: Pinngortitaleriffiup nammineq angallataataanik MTR 'PAMIUT'-mik Kitaani Tunumilu avataata imartaani misissuinerit.

3: Kitaani Tunumilu avataata imartaani niuernermit atasumik misileraalluni aalisarnej.

4: Sineriak tamaat sinerlugu aalisartut namminnej pisamik angissusaannik misissuititsinikkut nammineq najukkami aalisartunik suleqateqarnej. Taamaasilluni saarullinnit ukioqatigiikkuutaat sorliit nammineq najukkami aalisartut piasarneraat Pinngortitaleriffiup misissussallugit periarfissaqarfigilissavai. Ilisimasat taakku siunnersuinermit annertoorujussuarmik naleqarput.

5: Piffinni Qaqortumi, Nuummi, Sisimiuni Qeqertarsuullu tunuani Aalisarnermit pinngortitat inuunerannut tunngasutigut katersuinerit Pinngortitaleriffimmit ingerlanneqarput.

6: Kangerloqarfinnik misissuineq nunami Kangaatsiamiit Paamiunut ingerlanneqarpoq siunertaralugu saarullit suffineri nalunaarsorniarlugit. Misissuineq ullunik 21-inik sivilissuseqarpoq angallamillu Adolf Jensen-imit ingerlanneqarluni. Misissuinerit taakku ukioqatigiikkuutaat sorliit kangerlummiittarnersut pillugit annertunerisumik paasissutissanik pissarsiffiussapput.

7: Saarullit pillugit tunngaviusumik ilisarnaataanut misissueqqissarnej. Klimaforskningscentret-p ataani iluarsartuullugu pilersaarusiaq, DNA-kkut misissuinerit ikiorsiullugit sinerissap qanittuani saarulleqatigiit akornanni assigiinngissusernik aammalu taakkua akornanni assigiinngitsunik avataata imartaani saarullinik misissuissapput.

Inussiarnersumik inuulluaqqusillunga

Ane Hansen